



FUMACCIA

1977

1977

GRUPPO EDITORIALE L'ESPRESSO

1977

Ghjuvanluigi Moracchini hà dicessette anni è mezu . Dapoi settembre 1976 hà fattu parecchje prove literarie . Eccu qui un racontu " A FUMACCIA " chi ci pare interessante per a ricerca di a forma di scrittura , nova in corsu è per l'usu simbolicu di i fatti magichi tradiziunale .

U racontu di Ghjuvanluigi ci face pensà ciò ch'ella puderia esse a nostra cultura s'ella fussi libera . Inghjuliata , accampata da quella chi s'appoghja nant'à a forza di u statutu ufficiale di cultura di Statu , a cultura corsa pò quantunque caccia talli cum'è questu qui . Allora ogni Corsu deve dassi di rimenu per porghjeli i mezi di fruttà è di cresce .

Cun stu scrittu , Scuola corsa di Bastia principia una seria di QUAPERNI chi esceranu à misura ch'elli ci seranu assaghji adatti à avvià a cultura corsa in u sensu di a ricerca (literatura , cunferenze , strumenti pedagogichi , eccetera) .

Di sicuru ci serà più di un rimproveru da fà nant'à a qualità di a stampa . Ma , l'avemu detta , issi scritti sò prove è tocca à voi à metteci o vostre rimarche è in una manera generale u vostru parà : troverete in appiccicu un fogliu da staccà è da mandacci .

Dunque , in qualchi modu , site voi chi l'avete da rifinisce stu racontu . In un movimentu culturale cum'è u nostru , un ci hè locu per i campioni : un ci devemu esse chè i manuali .

* * * * *

S'ellu hè malandatu stu librettu hè chi a cultura corsa , pruibita in ogni locu , si trova cum'è à a machja . E' quandu si hè à a machja , un valenu i panni da dumenica .

SCUOLA CORSA DI BASTIA .

* * * * *

* * *

*

